


八六
190
17



文帝全

和
190
17

明
精 190
卷 17



文帝全書內函卷三十

目錄

邵志琳序

愆海廻狂寶訓集說

愆海廻狂集說一卷。錢塘邵君儒珍諱志琳號純一彙輯。

文帝全書

卷三十 目錄

一

文帝全書內函卷三十

愨海廻狂寶訓集說原序

予年二十有四得文帝愨海廻狂寶訓讀之不禁起而歎曰淫之業海深矣帝君所言何若是之勤懇歟遂付剗劂以廣慈教當是時猶未有註也越三載同里諸君重鐫帝君全書搜訪遺珠採及是訓予復捧而讀之倍深悚惕惜無註解參証難于感發因不揣蕪陋撫拾聖典賢書古今成語逐加疏注俾世人了然于目快然于心不自知其油然而興起焉註畢且拜手稽首于帝君

之前以自責曰琳乎。藐爾小子。安能會帝君之心乎。將無穿鑿附會。以失帝君之微旨乎。然琳曷敢蹈此也。夫一人之私言。不能窺帝君之寶訓也。天下之公言。斯能集帝君之大成也。琳何敢自作聰明。惟欲萃此緒餘。以爲同志規耳。又自責曰琳乎。爾胡弗明白顯快。以直解其辭乎。寧弗慮爲士人所知者。或爲愚蒙之所未解乎。然琳非敢忘此也。蓋世之知此戒而能言者。固在于士人。而旋戒旋失。自言自蹈者。亦莫甚于士人。或爲綺語。士人之慧業也。或命風流。士人之遺行也。反不若愚且

魯拙且朴者。可以稍緩其責也。又自責曰琳乎。信乎孔子之言。戒之在色矣。不又聞先自戒而後可以戒人乎。爾年未三十。保無業緣相湊乎。其能槁爾身。死爾心。以自處于愚乎。何嘵嘵然能言所言。而不能行所言乎。不且與旋戒旋失。自言自蹈者等乎。琳乎。爾果能乎。抑不能乎。然琳非能也。亦非不能也。琳之所以註是訓者。不惟戒人。抑亦自戒也。琳願彰帝君之化。而表帝君之心。將我之望人同歸者。人亦將勉我以共進也。夫乾隆甲午仲秋望日。皈依玉斗弟子。錢塘邵志琳拜撰。

--	--	--

文帝全書內函卷三十

仁和關 槐柱生增輯

慾海廻狂寶訓集說

孽海茫茫首惡無非色慾

遏淫說曰。惡孽惟淫為最。蓋人淫念一萌。便是邪緣。湊合種種善願。由此消。種種惡念。由此起。雖未有其事。已獲罪無限。况顯蹈明行。罔知忌憚。沉淪孽海。莫挽狂瀾。故森羅鐵榜。必以淫為萬惡首也。

塵寰擾擾易犯惟有邪淫

王大契問蓮池曰。弟子自看師戒殺文。遂持長齋。惟色心不能滅。奈何。師曰。殺是苦事。故言戒。易色是樂事。故言戒難。但戒之既難。犯之必易。紅塵苦海。擾擾凡夫。安可畏其所難。而忽其所易也。

呂祖戒淫文曰。世人淫罪易犯。卽平昔經經以道自居。以義自守。以正人君子自命者。猝遇邪緣。不能定情。鮮有不失足污地。沉身慾海中矣。

礪山帶河之人。坐此亡身辱國。

楊持菴五思。一曰思敗亡。妹喜亡夏。妲己亡商。褒姒

滅周。飛燕亂漢。玉環亂唐。以帝王之福。而一耽美色。遂至身危國亡。况常人乎。人能思敗亡之慘。則不能不遠色。

繡口錦心之士。因茲敗節墮名。

呂祖參同經曰。淫之一字。舉世易犯。而豪貴文士。其惡爲最。從古聖經賢傳。諄諄誡淫。深爲剴切。蓋淫之爲惡。喪人名節。虧己德行。受害無窮。流毒莫甚。不必顯有其事。始謂之淫。凡創爲淫詞。造作淫具。起一淫念。述一淫事。皆是淫機未除。淫根未斷。若妖冶在前。

而一心不亂。一塵不染者。世有幾人。

始爲一念之差。遂致畢生莫贖。

高中憲家訓曰。自妻妾而外。皆爲非己之色。淫人妻女。妻女人淫。天壽折福。殃及子孫。皆有明驗。顯報少年。當竭力保守。視此身如白玉。一失脚卽粉碎。視此事如鳩毒。一入口卽立死。須臾堅忍。終身受用。一念之差。萬劫莫贖。吁。可畏哉。

何乃淫風日熾。天理淪亡。

朱文公曰。人之大倫。夫婦居一。三綱之首。理不可廢。

是以先王之世。男各有分。女各有歸。後世倡爲邪說。謂之出家修道。妄希來生福報。於是血氣旣盛。情竇日開。不婚之男。無不盜人之妻。不嫁之女。罔不肆爲淫行。官司縱而不問。則風俗日敗。悉繩以法。則犯者已多。此雖其人不能自謀。亦由父母不能爲兒女計。慮久遠之罪也。豈若使其年齒尙少。容貌未衰者。各歸本家。聽從尊長之命。公行媒聘。從便婚嫁。夫夫婦婦。各遂其欲。豈不美哉。

王倩修曰。墮胎之惡。全由藥術。每見郡邑鄉鎮。輒有

醫人於通衢狹巷。遍布招帖。賣藥攫金。煽惑男女。服之者。不但傷胎。兼之害母。且奸民恃此。私奔苟合。益長淫風。爲民牧者。宜嚴責里甲。禁毀招帖。時訪其人。懲逐遠方。則一可救嬰兒之命。一可杜邪淫之風。功莫上焉。

以當悲當憾之行。反爲得計。

孫畏之曰。嫖字有二體。一從闕。言入門便敗也。一從嫖。取女票勾人之義。妓家雜色。蒸淫毒入肺腑。染之者。小則痼疾。大則喪命。余所見聞。有聾其耳者。有半

身不仁者。有四肢攤軟。膝直不可屈伸者。有病久骨軟如筋者。有病蠟燭瀉瀉去其腸者。有痿其陽。至終身不舉者。有鍾毒於妻。至妻終身不育者。有毒發在喉。聲啞無音者。有當額下垂若癩者。有發魚口。下體迸裂者。有毒發在趾。漸漸脫落。至腰而五臟皆見者。有惹毒於妻。妻生瘡腋下而死者。有惹毒於妻所生子女。遍體無皮者。種種不可勝紀。當悲當憾。莫此爲甚。猶自謂得計乎。知命者其戒之。

而衆怒衆賤之事。恬不知羞。

內典云。女色于人。是衆苦本。障礙本。殺害本。憂愁本。達者遠之。

戒色編曰。淫念從幾微而起。遏淫之法。必從幾微。邪念方起時。便知可耻。可畏。則旋撲滅矣。其可耻。可畏之訣有四。曰律極重。報極近。趣極淡。名極醜。昔伊川先生曰。吾以忘生。狗慾爲深耻。意深遠哉。

刊淫詞

帝君天戒錄曰。造作淫書。壞人心術。死入無間地獄。直至其書滅盡。因其書而作惡者。罪報皆空。方得脫

生。

袁了凡曰。取淫穢邪書惡狀。及謗語焚化者。得子孫忠孝節義報。好閱淫詞小說。將此等淫穢書。與聖賢書並貯者。得子孫淫佚報。翻刻淫詞小說惡狀。販賣射利者。得子孫娼優下賤報。遠色編曰。一勸文人。凡士子富於才華。筆耕謀利。若能纂一部古今忠節孝義事實。既可積功。亦可獲利。何苦無中生有。造此淫詞。成人之惡。不有人禍。必遭天殃。二勸梓友。凡係淫艷書傳。誓不受梓。則淫書

不絕而自絕技也。而進於道矣。子孫必然讀書識字。昌大門閭也。三勸書肆。夫開設書林。以取利耳。試思何書不可獲利。而必藉此壞人心。敗風俗等書。以覓蠅頭計。亦左矣。萬懇絕此淫書。概不發刻。并不收兌。所謂積陰功於冥冥。獲福利於昭昭也。四勸書賈。五車汗牛。間關道路。大率聖賢典冊居多。若雜貯淫書穢褻經籍。必遭天譴。盍思關河險阻。千里求利。不祈神佑。反干天怒。竊爲諸君危之。五勸閱舊家藏書。以教子孫。若將淫書一槩什襲。流傳後代。是

爲祖若父者。教之爲不肖。爲禽獸也。亟宜檢出。盡付祖龍。方稱爲詩禮之家。六勸畫家。勿畫春宮。世間惡事。未有過於此者。將使天下識字不識字之人。一槩心醉神馳。同入禽獸之域。吾見擅此技者。大都斬然無後。蓋其畫幅流傳。不知惑多少子弟。壞多少閨門。卽絕嗣不足蔽其辜也。

談麗色

青緗雜記曰。談淫污之事。最易動人淫心。敗倫亂俗。皆自我一言啟之。罪與淫惡等。

不可不錄曰。禍從口出。中藹之言。不可道也。古之人拒奔女而不向人言。還納妾而反贈以金。何其厚歟。今之人見善而疑。聞惡而信。一聞閨中醜事。不問親疎。不審虛實。轉相告語。以爲新聞。至使人夫棄其妻。父斥其女。甚或此婦無顏對人。投繯自盡。噫。談者之津津。而彼生則含羞死。則遺臭。冤鬼有知。不來索命乎。即使事果真確。在此女不足惜。而其夫其父母其翁姑。以及其兄弟姊妹。祖宗子孫。孰無體面。與我何讐。而必出其醜乎。語云。有一言而上干天地之和。

有一言而折盡一生之福者。非有奇禍。卽有奇窮。慎之慎之。

目注道左。嬌姿腸斷。簾中窈窕。

帝君蕉窗十則。首戒淫行。未見不可思。當見不可亂。旣見不可憶。

呂祖曰。不但摟人妻女。乃爲淫也。一舉念間。稍有所慾。便是淫邪。又曰。見好婦女。時時注念。刻刻存思。廢飲食而形夢寐。謂之想淫。見好婦女。言語輕挑。口角逗引。恣諧謔。以動心情。謂之語淫。見好婦女。有心凝

文海全書 卷三
視。著意偷觀。眼目射而神魂飛。謂之視淫。見好婦女。假托慇懃。詐爲周匝。飾禮節而圖媚悅。謂之意淫。若此之類。雖衽席不交。形骸未接。而淫心已蕩。淫惡已彰。止恨無便。可得無隙可乘耳。陰律實已著之。豈得無罪哉。

王石隱曰。淫字。說文云。近而相狎之意。使狂童淫女。一處南海。一處北海。豈能成淫。惟其密邇。故成私也。旨哉言乎。遠色之法有二。別嫌明微。彼此相隔。以身遠也。不看美女。制其目以伏其心。以目遠也。

或貞節或淑德可敬可嘉。乃計誘而使無完行。

呂祖戒淫文曰。幼婦少女。貞心未固。烈志未堅。狂且朝而引。夕而誘。食物投其所嗜。衣飾迎其所好。容止笑貌。得其歡心。心非木石。不能無情。邪腸一軟。苟合遂成。于是玷門風。壞名節。淫罪滔天。天地斷難寬縱者也。

黃藜乙閨箴曰。婦人姪孽。終身不可湔浣。故淑女名媛。守身如玉。容不得半點瑕疵。倘遇狂且。當下投梭峻拒。自然不敢再犯。陰律婦人犯淫。永墮畜生道。其

可爲失身無耻之事乎。戒淫編曰。世間邪淫之緣。隨處可起。或瓜葛不禁。往來。或鄰右偶觸。聞見。皆當以禮自持。防意若城。若因貌言相接。遂爾動情。設計。此之謂墮落坑塹。自陷陷人。終身爲無行之人矣。

若婢女若僕妾。宜憐。宜憫。竟勢逼而玷。乃終身。

施愚山曰。臧獲婦女。多被凌逼。與主人薦枕席。以爲分固然耳。試思此輩皆良民。或以貧鬻身。得金無幾。或因宦勢投充。未得身價。既役其身。復亂其妻女。作

何消受。及亂而生子。則淪主爲僕。使此子事我之子。是兄弟相主僕也。萬一生女有色。已復亂之。是父姦其女也。已之子姪復亂之。是兄弟姊妹相姦也。聚麀宣淫。廉恥一喪。後遂不可窮詰。

遠色編曰。污婢者有十害。強姦殘忍。爲其父母咒詛。一也。主母見妒。毒加鞭撻。弱命不保。二也。或父子聚麀。或兄弟薦枕。骨肉相讐。三也。方孕則毒藥下胎。母子同斃。四也。既產則溺棄嬰孩。人命如戲。五也。婢別有私情。主人罔覺。他人血脈。承繼祖先。六也。懷孕而

配下賤。親生子女。降為奴僕。七也。始則誘騙作妾。繼則得價遠賣。萬一失所。必至投繯自盡。冤魂相報。八也。得寵之後。搬弄是非。家中不得安寧。九也。主人一死。婢女改嫁。致母子相失。十也。

既令親族含羞。尤使子孫蒙垢。

絕邪論曰。穢行易著。醜名易彰。古人云。殺人者殺其一身。淫人者殺其三世。蓋敗一人之節。遂使其家上而父母翁姑中。而下而子女一。或聞知。恥懸眉頰。痛徹心脾。人即至無良。奈何殺人三世。以快一刻之

慾哉。

閨箴曰。婦人倘有醜行。于歸之夕。何顏對夫。知而被出。連累父母受辱。親族棄賤。此身必致流落。即或夫家愛惜體面。隱忍不發。亦為丈夫所鄙。廢置終身。非罪大惡極也哉。

嗟嗟總因心昏氣濁。賢遠佞親。

省心錄曰。經云。一切惟心造。夫心為身之主宰。變動不拘。靈蠢迥判。昇天入地。毫釐俄頃。克治則精瑩澄徹。如玉映冰壺。何處塵埃可到。縱之則顛倒縱橫。如

風中落絮。飄揚到處黏。此養心之所以莫善於寡欲也。
閨箴曰。婦女邪淫。每由三姑六婆。乳媪侍兒所誘。或由變童俊僕。出入內室。及男親女戚。往來歇宿。并入寺遊山。參僧禮道而起。爲夫若父者。嚴行禁絕。邪淫之竇。亦少塞矣。尤在男子。不狎變童。不私僕婢。使牀第之間。情好無間。且平日語言舉止。毫無褻慢淫艷之書。不致案頭。一以古今節烈之事。演述化導。令所見所聞。皆有規矩。此又端本澄源之道也。

豈知天地難容神人共憤

語云。暗室虧心。神目如電。人當愆念初萌。須思感應篇所謂。司過之神。在我傍也。三台北斗。在我頭上也。三尸在身。竈神在戶。日月三光在天。記錄者有之。嗔怒者有之。十目十手。森然並集。其可畏如此。則雖慾火如焚。不覺頓熄。
陸桴亭曰。色之所在。動天地。感鬼神。學者能察識乎。此則不期謹而自謹矣。又曰。人能嘗知此身之重。則自能不淫於色。

道書曰。凡人苦志修行。諸罪俱可消解。惟曾破處子之身者。後雖道高行滿。不能開釋。必受過惡報。方可成真。

楊誠齋謂好色者曰。閻老未相喚。子何急急。自求押到。

或妻女酬償。或子孫受報。

陰律云。姦人妻者。得子孫。淫佚報。朱子家訓曰。見色而起淫心。報在妻女。試看好淫之家。不報于妻妾。卽報于女媳。醜聲外揚。污人聽聞。古語有云。勸君莫借。

風流債。借得快。時還得快。室中自有代還人。你要賴時。他不賴。誠至言也。若人欲免此酬償。請鑒速報錄云。我不淫人婦。人不淫我妻。乃可。

絕嗣之墳。無非好色狂徒。

冥律載姦人室女者。得絕嗣報。此陰誅也。若未有子。而因姦喪命。方新婚而繼慾。天亡以斬先人百世之宗。絕祖宗百年之祭。享罪無異于滅門者。若夫狂徒漁色。溺嬰類多絕嗣。此旣殺于前。自不能有於後矣。又或通有夫之婦。懷孕生男。雖明知爲我子而未。

可認死之日。繼子躡踵。親子旁觀。其報與絕嗣等。畜德錄曰。世人無不急於生子。亦知生子之道。真精交媾。氣清精濃。鎔液成胎。故少慾之人。恒多子。且易育。氣固而精凝也。多慾之人。恒少子。且易夭。氣泄而精薄也。譬之釀酒。然斗米下斗水。則酒濃且耐久。其質全也。斗米倍下水。則淡。三倍四倍。則酒非酒。水非水矣。其真元少也。今人遍御妾婢。精氣妄泄。邪火上升。邪火愈熾。真陽愈枯。安能成胎。倖而生子。亦不能育。或殤於痘。或殤於驚。痘者熱毒。驚者熱風。毒者父

母之真精不足。風者。父母之真精不固也。過此二關。稍通人道。便有火症。虛損怔忡。五癆七傷等症。皆由於邪火熾。而真陽虛。色慾逞。而元精竭也。

妓女之祖。盡是貪花浪子。

施愚山曰。今舉世習爲不怪者。無如狎妓一事。謂旣酬以金。淫不爲害。且無論破家傷身。能保妓不孕乎。孕而產。則子女娼矣。予在京邸。聞一孝廉。狎張氏妓。生子。妓知爲孝廉種也。人皆目笑爲龜兒。孝廉羞不肯認。悔恨無及。是父子相失也。嗟乎。今有人於此。罵

其子女爲娼優者必怫然怒攘臂而起矣。以淫色之故。乃使祖父相承之血脈自我而亂。且淪爲娼而晏然不自知也。豈不傷哉。

當富則玉樓削籍。應貴則金榜除名。

黃家舒曰。邪緣偶值。猝然動念之一刻。謂王法不及。加謂清議不足惜。謂名節不必顧。惟有報應二字。庶幾足以制之。就報應中。又惟功名一念。大足奪之。試想艷冶當前。不納不亂。不過片刻能持。可以馴致登大魁。享祿受福。子孫否則縱情任妄。轉霎成空。嚼蠟。

而褫功名。減祿壽。近毆殺。思之可畏。而竟付之不思耶。

笞杖徒流大辟生遭五等之刑。

居家格言曰。語云。姦近殺。洵矣。然言近殺。尙是緩辭。予以爲姦。則未有不殺者。其夫知覺。忿怒操刀。則殺。同姦嫉妒。利刃相加。則殺。因姦致死。則王法殺之。幸而漏網。則冤鬼殺之。數者免矣。色癆沉痼。虛症百般。盧扁難醫。則司命又殺之。男子以有爲之身。置之必殺之地。豈不愚哉。

大清律載。因姦同謀死親夫者。男斬。女凌遲。謀殺親夫。傷而不死者。男絞候。女斬決。因強姦不從。將本婦殺死。及其夫父母親屬聞聲赴救。姦夫逞凶殺死者。斬決。強姦已成。本婦及本夫父母羞忿自盡者。斬候。強姦未成。或但經調戲。本婦及其夫父母羞忿自盡者。絞候。以上三條。婦不從。俱準旌獎。輪姦。婦女孩童者。為首。斬決。為從。絞候。強姦十二歲以下。十歲以上。幼童幼女者。斬候。致死者。斬決。雖和姦。亦同強論。絞候。強奪良家妻女。姦占為妻妾。或配與子孫弟姪家。

人者。絞候。親夫於姦所親獲。將姦夫姦婦。登時殺死者。勿論。姦夫拒捕。刃傷。應捉姦人者。絞候。因姦有孕。用藥打胎。以致墮胎身死者。杖一百。流三千里。和姦各杖一百。枷號一月。抑勒妻妾子女。與人通姦者。杖一百。縱容妻妾子女。與人通姦者。各杖九十。以上各條。如係本宗犯此者。俱于應得罪外。再照服制從重論。不復細載。奴僕及僱工。姦家長妻女者。斬決。姦家長之妾。及期親伯叔母。姑姊妹姪女者。絞候。姦職官妻者。男女俱絞候。職官姦軍民妻女者。革職。杖一百。姦囚婦。

杖一百。徒三年。強姦者。絞候。僧道尼冠犯姦。杖一百。枷號兩月。官吏生監挾妓宿娼飲酒。杖一百。爲民。男女定婚未過門。私下通姦。比照子孫違犯教令律。杖一百。

地獄餓鬼畜生沒受三途之苦

帝君天戒錄云。姦人妻女。玷人閨門。在地獄中受苦。五百劫。方得脫生。爲騾爲馬。又五百劫。乃復人身。爲娼爲優。設謀造計。姦宿寡婦尼僧。敗人操履。在地獄中受苦。八百劫。方得脫生。爲羊爲豕。供人宰殺。又八

百劫。乃復人身。爲瞽爲啞。爲五官四肢不全之人。以卑亂尊。以長亂幼。敗壞綱常。在地獄中受苦。一千五百劫。方得脫生。爲蛇爲鼠。又一千五百劫。方得人身。或在母胎中死。或在孩抱中亡。畢竟不享大年。皆此罪報。深可悲也。

從前恩愛至此成空。昔日風流而今安在。

世人好色。多由貪迷恩愛。自號風流。豈知雲收雨散。轉眼卽空。故心經云。舍利子。色不異空。空不異色。色卽是空。空卽是色。受想行識。亦復如是。

呂祖指玄篇曰。歎世凡夫不悟空。逃花戀酒送英雄。春宵漏永歡娛促。歲月長時死限攻。弄巧常如猫捕鼠。光陰猶似箭離弓。不知使得精神盡。願把身屍葬土中。

日乾初撰曰。古有賢者。當淫念勃發時。以手置火。不堪動楚。淫念遂息。如不息。則澄心冥坐。視身如死。又神往故人之墓。自思曰。此人在世如我。我來日在墓。如彼。淫樂何爲哉。

與其後悔以無從。胡不早思而勿犯。

呂祖叅同經曰。更有一等才智之人。明知世事皆幻。繁華易盡。一切所有。咸歸於空。無如愛慾難除。愛情難割。雖欲強制。旋踵卽迷。正知正見。無由得開。譬如杲日障於雲霧。自性不明。終身迷惑。及至物消形化。始悔從前。晚矣晚矣。

格言曰。某幼見文昌戒淫文。惕然自省。而力制其心。視此事如砒霜毒藥。毫髮在身。卽爛其皮毛。以至筋骨。幸此生無邪緣之湊。深荷神明默相。更盟於正神之前。願我累生。嘗如今世操心。稍有不誠。提撕我於

夢寐之中。再有不誠。警覺我以疾病之苦。立願深切。以此砥行。以此貽謀。世世子孫。閨門無失德。則幸甚矣。

謹勸青年烈士黃卷名流

黃孝直曰。論語云。少之時。血氣未定。戒之在色。聖人之於色。無時而不戒也。禮。庶人非五十無子。不娶妾。其不二色可知。男子三十而娶。其不雜色可知。諸侯不娶境內。其不奪人之妻可知。先王以分。至日閉關。其清心寡欲可知。乃孔子槩不之及。特提出少之時。

戒之在色一語。誠重之也。抑畏之也。蓋人之方少。猶草木之有萌芽也。百蟲之在蟄也。草木當始生之日。而逆折其萌芽。未有不摧折者。百蟲當藏蟄之會。而忽發其扁藏。未有不僵仆者。聖人提醒少年。使其力制色心。悚然自愛。以保養柔嫩之軀。少年時能於此。色慾一關。把得牢。截得斷。他年元神不虧。氣塞兩間。立朝之日。精神得以運其經濟。立掀天事業。真人品。真學問。皆由於此。即使不成大器。亦得以盡其天年。不致死於非命。此少年所當猛省也。

廸吉錄曰。士子讀書作文辛苦。更當節慾。蓋勞心而不節慾。則火動。火動則腎水耗散。水不能制火。而火愈熾。則肺金受傷。金又不能生水。相尅而傳變為癆。癆必至天亡。

發覺悟之心。破色魔之障。

楊持菴曰。人非禽獸。皆具覺性。乃貪淫之人。真性迷。錮特未之思耳。余嘗思聖賢同此心性。而舉念邪淫。皆緣惡孽深重。色魔為妖。此非我之本心。乃我之魔障也。魔障其可縱乎。人能思此魔障之害。則不敢不

戒淫。

過淫說曰。眼光落面。妖態攢心。有慧劍焉。曰忍而已矣。曰狠忍而已矣。饑不食虎餐。渴不飲鴆酒。忍之說也。蝮蛇螫手。壯士斷腕。毒矢著胸。狠忍之說也。

芙蓉白面。不過帶肉骷髏。

潘仲謀曰。防淫之念。須要慧力。試思今日之明眸皓齒。二十年後。雞皮鶴髮。甚不堪相對也。百年之後。皮囊臭腐。甚不堪嚮邇也。再思今日之淫行。即明日之死徵。人至於死。而雄心灰矣。孟子曰。西子蒙不潔。則

人皆掩鼻而過之。達摩祖師皮囊歌曰。尿屎渠膿血。聚算來有甚風流趣。此皆洞徹理境之談也。請自思之。

美艷紅妝。乃是殺人利刃。

呂祖詩云。二八佳人體似酥。腰間仗劍斬凡夫。雖然不見人頭落。暗裏催人骨髓枯。慈受禪師偈云。女色多迷人。人惑總不見。龍麝暗薰衣。脂粉厚塗面。人呼爲牡丹。佛說是花箭。射人入骨髓。死而不知怨。是美艷紅妝。不特革囊穢惡。且如利刃之可畏焉。

王硯堂曰。從來邪淫一事。非盡出於男子。而半由於婦人。婦人但圖男子之歡。男子殺身時。彼不顧也。損壽折福時。彼不顧也。貌則妍。而心之狠毒。與虎狼何異。倘能一眼看破。有目挑心招者。卽嘿念曰。彼非愛我也。是陷我也。且非艷姿也。是毛角也。則慾念庶可息矣。

縱對如花如玉之貌。常存若姊若妹之心。

一人患好色。問王龍溪先生。先生曰。有人設帷帳。一所。指謂汝曰。此中有名妓。汝褰帷就之。乃汝妹。汝女。

也。此時一片淫心。亦頓息否。曰。息矣。先生曰。然則淫本是空。汝自認作真耳。他如雞姦少艾。頓忘齒誼。請亦思淫其幼者。何異我子我孫。淫其稍長者。何異我弟我姪。父事兄事之謂何。而淪污若此。一轉念間。當必汗流浹背。翻然愧悔矣。

未犯者宜防失足。

蔡子之曰。凡人最易失足。只在艷冶當前。勃然難制之一刻。試思閉目不窺。坐懷不亂。不過片念能持。便可以登大魁。致顯位。光祖考。庇子孫。較之半世青燈。

僅博一第者。事半而功倍。今幸孽緣未湊。正宜愈加防範。方免失足半途。

許太史曰。古來三教之書。每多同異。而惟戒淫之語。說罪過。說冤讐。說果報。不謀而合。如出一轍。可知此事萬不可輕犯也。英雄豪傑。他事儘有執持。而獨於此事失足者。比比皆是。唯能有慧力。有定力。有忍力。立定脚跟。方可以入聖賢之途。

曾行者務早回頭。

袁了凡曰。感應篇云。其有曾行惡事。後自改悔。亦可。

文海全書 卷三
轉禍爲福。夫改過最難。日復一日。因循不覺。但塵世無常。肉身易殞。一息不來。欲改無及。故第一要發恥心。心思平日所犯。不可對天地鬼神。便是庸凡。豈不慙愧。第二要發畏心。天道昭明。我犯淫惡。將來沉淪地獄。何日出頭。豈不可畏。第三要發喜心。夫一息尙存。雖有罪惡。猶可改悔。古人有一生作惡。而末路移心易志。遂得善終者。正如千年幽谷。一燈纔照。則千年之暗俱除。識得此意。如毒蛇嚙指。速與斷除。無絲毫凝滯。又如溺海登岸。遠刀兵而得衽席。豈不快哉。

更祈輾轉流通迭相化導

遏淫說曰。夫淫報既重。則坊淫之功。自當不輕。普願人吐舌上之青蓮。揮案頭之彩筆。表章感應。輾轉流通。刊刻訓文。迭相化導。或羣坐危言。或密室苦口。毋畏擲揄。毋避迂腐。宛轉勸誡。救拔淫迷。豈非贈人以言。愛人以德之君子乎。

戒淫說曰。一戒處女。閨秀豈容玷辱。一生名節。攸關六親體面。沒遮攔。結定冤家不散。縱使臨婚瞞過。隱微羞耻難安。痛纏心骨。怨如山。蒙垢千秋莫澣。二

戒寡婦人孰不思偕老。可憐獨守空房。夫靈惟願婦爭光。方遂九泉餘望。假使乘其失耦。智欺勢壓淫媼。敗他苦節。惡彌彰。難免兒孫孽障。三戒尼姑。彼旣修行離俗。豈容強合調情。窺他孤寂。壞他名穢。及佛家清淨。神目昭然如電。地方百計相乘。官刑私禍。勢堪驚。真是墮身陷穽。四戒乳媪。兒旣托彼鞠育。晨昏乳哺恩多。宗祧嗣續。賴調和。豈得行奸恥辱。况彼良人遠隔。望他守節休疎。莫言同室不妨污。勸爾早些看破。五戒貧婦。人有饑寒困厄。我當周濟爲先。

逞財乘急肆行奸。勢必家貲耗散。縱或王章幸避。難逃孽報循環。阿誰能保後昆賢。更恐穢行不免。六戒婢女。育女皆期得所。守貞待字于歸。只因窮苦兩相違。骨肉親情如水。莫認堦前之艸。休貪桌上之盃。百年難保舊門楣。祇恐後來不美。七戒僕婦。僕婦雖然下賤。含羞懷恥心同。入牢無奈強相從。穢孽一般深重。彼卽楊花水性。我當嚴正家風。古來義僕幹奇功。都是主情感動。八戒怨女。寂處深閨。春怨孤奔妖媚迷人。勿云來就可通情。神正於斯。勘審玉印。

逞奸削籍。紙窗遠色登瀛。須臾得喪。係功名何弗操。持堅定。九戒娼妓。淫賤無如妓女。何分清濁。瑜瑕。須知君子愛身家。莫褻祖宗血脈。彼既依然無損。我終志穢行差。且傷財物。誤生涯。染毒罹疴禍大。十戒幼童。夫婦原爲正理。龍陽乖舛倫常。誤他行誼。暗羞惶。自己品行先喪。浪費錢財無益。被人毆辱難當。我身也要養兒郎。何不反觀自量。必使在在齊歸覺路。人人共出迷津。昔人題逃津寶筏集曰。慾海茫無涘。狂瀾不可收。直

須防失足。及早猛回頭。身向迷津度。源從覺岸求。慈航占普濟。莫自墮中流。

則大惡既除。衆邪自消。

蓮蘂居士曰。斷慾有十種利益。反是有十害。一身心清淨。可免奇禍。一正念歷然。異諸禽獸。一氣足精滿。寒暑不侵。一而日光華。舉足輕便。一禮神對聖。無慙愧色。一歲省藥餌。所費之貲。可以周濟貧乏。一屏絕女子。小人了無牽戀。一讀書作字。俱有精采。一脾胃強健。能消飲食。一本地風光。自有真樂。

靈臺無滯

一草堂曰。凡人邪緣巧湊時。若被顛倒沉迷。失足敗行。空花一過。便成嚼蠟。兩敗俱傷。人孰無一點良心。還問行邪。纔畢之後。暗中尋省。有不自悔自恨者乎。中心恐懼。疑惑舉止。跼天踏地。卽此便是生人地獄。若能當境執持。慧劍斬斷。片時之後。神清氣爽。心廣體胖。舉止安泰。卽此便是極樂境界。不必說到報應地位也。

世榮垂遠矣

易曰。積善之家。必有餘慶。積不善之家。必有餘殃。宏覺禪師曰。祖宗積德。理應食報於子孫。則遂有夙根深厚之人。托生其家。以享現成之福。祖宗積惡。理應殃及於子孫。則遂有夙根淺薄之人。托生其家。以受波累之苦。若是享福者。非倖。受苦者。亦非冤。各有前因。人當自反耳。苟糟糠是守。罔希司馬之挑。土木其心。勿效登徒之行。何患世系不榮。榮華不遠也。然又不可因望報未至。遽生退悔。報速者。其福小。報遲者。其福大。人惟業業兢兢。如履春冰。如蹈虎尾。殫修厥

文帝全書 卷三十一
德以迓天休。將子子孫孫。受福無量矣。

文帝全書外函卷三十一

目錄

大洞經諸咒之一

大洞經諸咒之二

大洞經諸咒之三

咒三篇。原附大洞經後。化書所謂持檀熾鈞音者。卽此也。江夏楊君啟明。同嗣君枝茂。竝孫士煒等。刊定。又度厄衛生諸咒。係涵三宮所演。附於後。

文帝全書
卷三十一
目錄
大洞經諸咒之一
元始善巧清和開諦法門一百大吉祥檀熾鈞玉音神咒
普光弘濟尊太玄真一心
大洞丹泓効清和吉祥音

文帝全書外面卷三十一

古鼎劉廣恕

義陵劉體恕無我彙輯

古渝金本存全訂

古鼎劉悟誠

• 仁和關 槐柱生校定

大洞經諸咒之一

元始善巧清和開諦法門一百大吉祥檀熾鈞玉

音神咒

普光弘濟尊太玄真一心。大洞丹泓効清和吉祥音。

始始始三炁。吉祥檀熾鈞。
 梵音大梵炁。吉祥檀熾鈞。
 天音淨妙音。吉祥檀熾鈞。
 帝心三昧音。吉祥檀熾鈞。
 玉音芳華彩。吉祥檀熾鈞。
 虛音道光師。吉祥檀熾鈞。
 無音妙通玄。吉祥檀熾鈞。
 道祖內宣音。吉祥檀熾鈞。
 太乙元皇音。吉祥檀熾鈞。
 上音妙行音。吉祥檀熾鈞。
 金音無等音。吉祥檀熾鈞。
 九靈王母音。吉祥檀熾鈞。
 東父神華音。吉祥檀熾鈞。
 伊音洞淵尊。吉祥檀熾鈞。
 泓洞靈音悲。吉祥檀熾鈞。
 騏音洞空香。吉祥檀熾鈞。
 輪音大龍光。吉祥檀熾鈞。
 風音八和神。吉祥檀熾鈞。

翻音洞華觀。吉祥檀熾鈞。
 韞成音洞明燈。吉祥檀熾鈞。
 凝除天帝音。吉祥檀熾鈞。
 猊音洞玄水。吉祥檀熾鈞。
 霄明太華音。吉祥檀熾鈞。
 核音洞微果。吉祥檀熾鈞。
 抽音洞靈芽。吉祥檀熾鈞。
 淼音泓効中音。吉祥檀熾鈞。
 洞淵金醴漿。吉祥檀熾鈞。
 瓊瑰立膺味。吉祥檀熾鈞。
 饋欵金飯音。吉祥檀熾鈞。
 洞虛黃元糧。吉祥檀熾鈞。
 紫珍八和殮。吉祥檀熾鈞。
 緇音大明輪。吉祥檀熾鈞。
 禮侂音法財。吉祥檀熾鈞。
 洞清無盡資。吉祥檀熾鈞。
 驪珠吉光褐。吉祥檀熾鈞。
 觚鬪覺元母音。吉祥檀熾鈞。

洞真天帝衣。吉祥檀熾鈞。
樞摐金母音。吉祥檀熾鈞。
盤音紫光裙。吉祥檀熾鈞。
龜音妙天花。吉祥檀熾鈞。
光音大真如。吉祥檀熾鈞。
水月慧明光。吉祥檀熾鈞。
注音太玄歌。吉祥檀熾鈞。
星斗晨皇音。吉祥檀熾鈞。
蘅薇太玄音。吉祥檀熾鈞。

黃裳紫光裙。吉祥檀熾鈞。
蓮艘音噪婆景音。吉祥檀熾鈞。
機音大圓通。吉祥檀熾鈞。
猷音烏龍飛。吉祥檀熾鈞。
寶月清宸音。吉祥檀熾鈞。
晶羅叶力音。吉祥檀熾鈞。
磨音慈父章。吉祥檀熾鈞。
彫蓄妙香音。吉祥檀熾鈞。
內香中帝香。吉祥檀熾鈞。

清景玉晨香。吉祥檀熾鈞。
神音太清謠。吉祥檀熾鈞。
氣母襲華香。吉祥檀熾鈞。
真帝靈音王。吉祥檀熾鈞。
師寶立中音。吉祥檀熾鈞。
劾音姿晞陽。吉祥檀熾鈞。
象音上德音。吉祥檀熾鈞。
冥寂玄通音。吉祥檀熾鈞。
應音南音壬長生。吉祥檀熾鈞。

真香洞神香。吉祥檀熾鈞。
妙門真定香。吉祥檀熾鈞。
聖音天寶皇。吉祥檀熾鈞。
仙王神寶音。吉祥檀熾鈞。
欵音衣周音大明。吉祥檀熾鈞。
驃音玉華涼。吉祥檀熾鈞。
初音大吉祥。吉祥檀熾鈞。
深音高觀王。吉祥檀熾鈞。
清和妙化音。吉祥檀熾鈞。

傲睨音八華。吉祥檀熾鈞。
直无清帝音。吉祥檀熾鈞。
阿奕流吟音。吉祥檀熾鈞。
答落大梵音。吉祥檀熾鈞。
吁員龍羅音。吉祥檀熾鈞。
空靈澤洛音。吉祥檀熾鈞。
那育魔羅音。吉祥檀熾鈞。
廓奕神纓音。吉祥檀熾鈞。
婆尼宛藪音。吉祥檀熾鈞。
福音壽仙王。吉祥檀熾鈞。
須曇始老音。吉祥檀熾鈞。
郁麗菩育音。吉祥檀熾鈞。
明上回立音。吉祥檀熾鈞。
洞浮生玉音。吉祥檀熾鈞。
綠羅雲飛音。吉祥檀熾鈞。
鏡攬運容音。吉祥檀熾鈞。
禪猷白元音。吉祥檀熾鈞。
梵萌蕭嶠音。吉祥檀熾鈞。

易邈莫音无極音。吉祥檀熾鈞。
延由自辯音。吉祥檀熾鈞。
長桑柏空音。吉祥檀熾鈞。
陀羅合雲音。吉祥檀熾鈞。
瑛鮮和中音。吉祥檀熾鈞。
保真惡奕音。吉祥檀熾鈞。
人心擇那音。吉祥檀熾鈞。
立功三千圓。妙行八百齊。
圓滿證十通。舉形昇三微。
郁竺宛首音。吉祥檀熾鈞。
品首扶蓋音。吉祥檀熾鈞。
纓却音育上立音。吉祥檀熾鈞。
飛天沙陀音。吉祥檀熾鈞。
碧落浮黎音。吉祥檀熾鈞。
洞妙恢漠音。吉祥檀熾鈞。
大洞無量音。吉祥檀熾鈞。
貴品生芝英。丹碧靈寶輝。

讚

鵬麟神咒。元始玉音。一百吉祥檀熾鈞。誦念束魔精。能除五瘟。合宅保安寧。

大洞經諸咒之二

太上洞淵三昧鵬麟大聖慈仁無礙威德洪深普攝十方總統三界光明正印帝心伏魔救護衆生消災滅罪解冤除結吉祥大神咒

仰啟洞淵無礙主。先劫虛皇無上尊。演說三昧神咒心。付度立元萬道祖。洞淵天尊大威德。昔洪盟誓佐諸天。

一十二願救衆生。溥使斷除魔種族。千冤萬罪皆消解。九厄三災悉蕩除。分明堅固解脫人。悉俾同證無上道。應有所求專念者。俱蒙成就契凡心。收降六洞大魔王。制伏六陰諸鬼賊。解冤釋結清和法。散殃滅訟吉祥音。不遺不捨大慈仁。功德妙林難盡說。臣今宣演帝心咒。救護衆生度有緣。十方三界諸帝君。八部龍神地祇衆。聽經護法諸魔鬼。或在天上及虛空。纔聞神咒帝鐘搖。各具威儀來加護。

大洞周泓

音翁 音劾 音黑

惠臨惠臨。

直

音丹

直

音充

直

直

直

元

和元和。妙真妙真。吉盧吉盧。軫蘭軫蘭。皇希
皇希。燾盧燾盧。毓飛毓飛。蒼音蔽穢音蒼蔽。立
蓋立蓋。粗胡粗胡神寶化身。周遍法界。三界十
方。光明無礙。大慈仁者。平護陶。平護陶。左攝
蘇護謨。右攝蘇扈謨。天蓬天蓬。天猷天猷。黑
煞黑煞。立武立武。叭吒叭吒。鵬麟鵬麟。六日
飛天。六日飛天。元威九目。元威九目。刹古刹古。
騏象黃林飛龍。飛天無極玉龍。盤古開化。盤古開
化。三界十方無極神王。大化身無量。隨願樛音樛蒙。

隨願樛蒙。決岑決岑。大澍法霖。大澍法霖。救度
衆生。保佑天心。天輪天輪。法部多。法部多。修
修修。轉轉轉轉。成成成成。昇昇昇昇。洞困
淵音淵天尊。大敕名攝。巴元醜伯丹劉烟。負天擔石
烟音烟開全。反山六日。元素切利王監醜朗馥王。穉
豁落神。虞耆列目支褒度皇王。虎騎堯垠音垠大碧
韞音城夔。勒壘唐凝。西天崗音音。刮郭羅王龍願
竺陀鬱繼天王。太極灑穹幽清九素天魔。宸極大
魁音魁覺元神宗。橫天擔力八威明王含大樞。太微

五神十天皇帝。舉洞岡。舉洞岡。舉洞岡。寧來救護。
天圖龍王。亢石金單。善音洞真天丁和神清纓。乘
天元炁金剛十力八方。飛天玉女溫質學師大翕雷
公。月翕日奔印國太乙金童。蒼溪風標音南。釋曇
君。九泰元龍王。緇石將軍。權連曼拏。鼎壺正一
功曹自烜耐螺。七音玉壺極清天王無量光明天虛空
大雲日月星君。天大神王致穹吳犀貉山土皇地祇
山海地神鬼賓原陵。土壘涓始。吻噓風樞。太靈
炎噓。城盧魁音音。虞。籠音音。輪端傑太微紫微孝春燧

陽。儼音音。龔音音。元玄勾。印蘭毗欻。印蘭駸葵。一切
真仙來救護。救護臣。某一家等。轉誦神咒之後。萬劫消
滅。萬冤解除。萬劫頓釋。萬災蕩散。所有億曾萬祖。歷劫
衆親。一切冤債仇讎。咒詛塚訟遺殃宿憾。譴靠子孫。隨
此咒音。即時消滅。使臣吉祥臻集。清和充盈。萬福駢來。
十通滿證。祖魂更化。族屬康榮。一切衆生。同登道果。皈
命敬禮。
洞淵三昧天尊。元皇阿暉。層光晃曜。大法輪大
法輪真人神仙傳度救護。收攝魔鬼無量王。不惱

衆生成就咒願。洞淵咒勅普攝。 修音 獬音 獬音 獬音 獬音
 搏旃搏。括猪山猫。 納音 魑烏。 藁音 藁音 藁音 藁音 藁音
 蝕蟲蠡。 搜音 獬音 孕軫。 郁姝音 郁姝。 余音 郁姝。 景胡駱綦。 勾剋
 洪盧洪盧。 獬音 獬音 獬音 獬音 獬音 獬音 獬音 獬音
 勾血高鄰賓鄰。 究賓目莽。 水虎。 斯音 水虎。 初波
 毒龍。 泉曲萬鬼。 竝以咒力摧伏惡道。 立天龍劍。
 黑角駝毬。 斷斬惡根地根。 救護善道仙趣。 度
 魔度魂正性和神。 攝毒回慈欽承黃越。 永離鬼趣。
 來進仙階。 救護衆生解冤滅罪。 伏龍呼龍。 直夷

直夷。 妙門妙輪。 開諦法門。 六明十通。 正真妙
 行。 率夷率夷。 大統攝率夷。 大濟度率夷。 大圓
 滿率夷。 八十一王。 尸羅刹神。 普助願力普持鎧
 仗。 神通錮護。 大破冤敵神王六明二十四開諦法
 門。 大清淨妙法輪。 大覺警妙法輪。 大忍捨妙法
 輪。 大圓滿妙法輪。 大廣明開諦。 十大神通至真
 妙行。 丹黃紫文五行內珠九天八會隱環集素結友
 證聖得道成真。 元命真人法身自然。 普度衆生同
 等一乘。 出纏出纏。 離縛離縛。 解結解結。 見性解脫。

超真超神。超聖大真。無爲無爲。無形無形。
希夷希夷。與道合真。急急如洞淵帝心印敕律令。

大洞經諸咒之三

太上洞淵三昧帝心光明正印太極紫微伏魔制

鬼拯救惡道集福吉祥神咒

太微紫微妙諦經華敏忍宗太英含元文象郭舒孤界
吻彫盤盧福昭明輪混洞太無玉皇玄中吉祥音檀熾
鈞。

蒼夔和庠塗波陝符南音臯玄母坐金臺赤混太無玉

虛元生吉祥音檀熾鈞。

翊琚儲靈內章元帝藍欽无紫衝音道衝音真瑠蒙甘冥寂

寂玄通玉虛始神吉祥音檀熾鈞。

太清紫華飛神度命岑葆觚華吉祥音檀熾鈞。

太清丹華飛光保生觸音朔懋密吉祥音檀熾鈞。

太清青華飛仙鍊神甄音甄銘奮勵宛吉祥音檀熾鈞。

上清素華飛靈鍊形浸斟唐彭燕吉祥音檀熾鈞。

上清黃華飛化鍊氣窪巢婁鎬衡吉祥音檀熾鈞。

上清綠華飛明護魂覺蔭珂琰觀吉祥音檀熾鈞。

玉清瑤華。飛立長生。藍蘇丹株。包企模。吉祥音。檀熾鈞。
玉清碧華。飛黃飛仙。晶羅頡力。吉祥音。檀熾鈞。
玉清玉華。飛立洞立。都明最旭晨。吉祥音。檀熾鈞。
玉虛金華。飛立妙靈。旭蒼晨轆。吉祥音。檀熾鈞。
洞淵黃花。三昧帝心。大洞光明。正印立章。太極真常。紫
微真母。伏降六天。制禦萬鬼。拯救惡趣。賓治儀盧。消滅
萬災。集定萬福。結集生氣。貫入立津。演吉祥音。注歸丹
母。發生內寶。玉芝琅英。黃芽金液。琅玕立珠。九轉八瓊。
證聖真仙。十通妙行。圓滿濟度。大洞帝一尊君。吉祥音。

檀熾鈞。

天尊彼時。玉音光中。增飾妙華。洞觀始通。吉祥音。檀熾
鈞。
洞微梵通。吉祥音。檀熾鈞。
洞空烝通。吉祥音。檀熾鈞。
洞虛華通。吉祥音。檀熾鈞。
洞靈力通。吉祥音。檀熾鈞。
洞真道通。吉祥音。檀熾鈞。
洞立靈光通。吉祥音。檀熾鈞。

洞淵神通。洞明帝心。玄通。洞清真慧。元通。吉祥音。檀熾

鈞。終全真一。安處無為。妙行一乘。中觀思神。念真慧命。作

用通。悉制禦萬靈。吉祥音。檀熾鈞。

通神坐致。自然通靈。坐在立亡。吉祥音。檀熾鈞。

道備登晨。飛昇太空。位登仙翁。侍列玉清。無無上真。吉

祥音。檀熾鈞。

太真玄符。普度天人。吉祥音。檀熾鈞。

是時元始天尊。與威德自在天尊。同聲重說。太極紫微

伏魔制鬼。拯救惡道。消災集福。吉祥神咒已。六天震動。

魔山崩摧。冤裔絕原。地根斷蒂。鬼趣消滅。俱化善神。是

時會中無量飛仙。清和玉女。水史真妃。芳華采玉女等。

百千億萬眾。兩八色天花。繽紛飄下。香風熏馥。和氣氤

氲。元始天尊。告定一真人。蔽羅真人曰。此神咒玉章。乃

三昧帝心。光明正印。太極妙本。紫微真人。能破冤魔心。

能救鬼趣。苦能消萬災劫。能集萬福祥。功德無邊。不可

思議。今日為汝等重宣玉文。增飾咒心。圓滿妙行。使汝

等持此咒印。利益人天。度諸有情。齊登聖果。今宣玉敕。

文帝全書 卷三十一
囑二真人。汝稟命奉行。普濟普度。勅威德自在天尊。定
敷二真人。遍滿十方界。持我光明輪。三昧太定印。帝心
行大心。制伏六洞魔。破滅萬鬼羣。解釋十二寃。結網悉
消平。鬼趣絕惡根。凶魔化善神。我道一氣冲。清和鼓化
風。自彼鬼類幽。直超三善中。帝心成大心。正氣永和融。
學仙修大乘。妙行著立功。貔貅與麋貙。悟真登仙公。使
彼洞淵心。立立控三龍。化合衆生心。光明證十通。安集
太真房。逍遙景華峯。怡然金闕庭。玉光他我同。炁與元
始通。吉祥成大功。於是太玄道父。威德自在天尊。定一

真人。敷羅真人。飛仙玉女。清和玉女。水史真妃。芳華采
玉女。諸天仙衆。異口同光。普作一音。太和自然。說偈讚
歎云。太極紫微帝心咒。十通吉祥檀熾鈞。臣等六根爲
讚揚。惟願慈悲作證度。咒燭無窮照法界。大光大明三
景輪。明過日月及天光。照燭幽塗普開朗。咒音無窮通
法界。神雷天鼓玉音傳。振輝法韻响靈音。開悟衆生悉
明慧。咒香無窮遍法界。不增不減太和風。灑爲法雨出
爲雲。霑馥衆生普清淨。咒味無邊周法界。太和太乙萬
善源。外爲神水內華池。潤溢衆生悉長命。咒相無窮大

變化真應法身如塵沙。金肌玉骨萬道生。堅固金剛形
不壞。咒心十通遍法界。無高無下普開明。龍光一照出
中山。照徹人天悉開悟。咒威無量神通廣。力過那耶刹
古尊。收降六洞大魔軍。斬斷鬼鋒正仙道。咒福無邊廣
圓滿。富王貴王不能過。有如天尊大意珠。光照無窮福
德藏。咒德無量大慈悲。從劫至劫運慈仁。巍巍三炁道
中尊。周濟人天悉圓滿。臣等六根讚歎已。至於身外植
立根。立根永茂遍人天。同等一乘真妙行。是時太玄道
父威德自在天尊。定一真人。蔽羅真人。諸天真人。神仙

天帝。神王仙官。仙王飛仙玉女。水史真妃。芳華采玉女
等。說偈讚已。稽首天尊。奉辭而退。

讚

吉祥神咒。檀熾鈞音。洞淵三昧。演鵬麟。威德最弘深。
收降魔靈。集福免災迤。

涵三宮演諸咒

九天度厄衛生靈咒第一

玉清太玄文。妙有三洞尊。蒼胡頡寶珠。梵炁攝流精。九
華敷道脈。闡洩紫金真。度厄除災障。含元慰百靈。

天地沌默。陰陽罔識。清濁既分。奠安八極。厥靈惟人。五行挺立。賦畀維均。民彝物則。順之者昌。逆之者滅。天眷烝嘗。聽視以德。背道亂真。如日反晷。明性修心。如潭印月。慧緣靜生。福因善結。希夷希夷。證真度厄。

六天傳法蕩魔神咒第二

龍阿大梵天。靈應古真仙。九九行功滿。三三道果圓。武擔施法乳。廣結衆生緣。惡魔咸退避。金劍耀明玄。太乙區分順。度毋慝。物阜民熙。崇潛怪滅。塵染日深。孽魔猖熾。輕斯五倫。受諸苦厄。一念皈依。懺彼惡劫。頂禮

仁威。天騶奮越。仗旄列戟。戮諸魑音律。嬰屬爾音律。夔音律。歛形勿蹶。北幽清冷。雲曉霧徹。洞照羣魔。戢安家國。

三天明道正心寶咒第三

紫微洞妙章。三昧法中藏。靈風鼓太和。檀熾鈞吉祥。帝心符正印。寶筏濟羣盲。冥心修大定。證果入仙鄉。先天沕穆。朕兆未觸。剖出兩儀。情識咸續。究之主宰。幽深莫告。音谷。泰定安寧。不緣塵慾。以妄覺故。混淆穢濁。惟知清淨。窈窕寥廓。形緒相泯。萬化歸伏。三災潛消。八難永脫。持此正諦。啖囉鉢囉。保爾長生。福臻安樂。

普護度真言

唵。主。隸。主。隸。嚩。嚩。嚩。達。摩。耶。夜。耶。伽。伽。怛。耶。度。嚩。度。嚩。
 定。性。寂。寂。正。神。佑。聖。巨。天。獲。音威。轟。雷。霹。靂。亞。鴉。亞。叱。
 叱。呀。呀。呱。唵。呱。風。火。律。令。羽。嬰。潛。化。諸。厲。滅。亡。天。蓬。黑。
 煞。却。災。除。殃。淨。清。正。覺。合。帝。天。心。圓。通。智。慧。復。古。返。真。
 唵。畢。唵。嚩。嚩。大。有。妙。庭。嚙。嚙。念元亨。啍。啍。利。貞。天。清。地。
 寧。鬼。永。滅。人。長。生。家。國。靜。謐。禍。害。無。侵。急。准。玉。清。三。洞。
 錄。法。教。主。元。皇。大。帝。勅。攝。

文帝全書外面卷三十一

目錄

張世犛序

開心神咒註釋

開心聰明神咒。解元張諱世犛字寓椿號夢蓮居士
 註釋。

文帝全書外面卷三十二

開心咒註釋序

內典以瞿曇氏爲兩足尊。兩足者言福慧具足也。夫世尊之所謂福者。乃人天欽仰。七寶充塞。非人世一切富貴華膺之福也。世尊之所謂慧者。乃洞徹十虛。舌吐蓮花。非如人世一切塵識聰辯語言文字之慧也。而原其所以得此者。乃歷劫苦行。多生叅究。六度萬行。圓滿具足。故其福慧如海。聚之無量。而原其始。亦與衆生同其窮露。同其瞑盲。故於雪山見明星悟道。乃喟然曰。一切

衆生。同具如來智慧。但以妄想執着而自墮落。然則福
慧之不生。皆妄想蔽之。妄想生則真性隱。真性隱則人
慾恣而天理滅。其不陷於披毛帶角者幾希。梓潼文昌
大帝者。掌混元之輪廻。司士流之桂籙。現九十八化。歷
億萬千劫。世尊印以如來。玉帝授以如意。飛鸞降筆。救
度衆生。憫諸愚頑。孤露之輩。既示陰騭文。以使人求福。
復說開心咒。以使人求慧。蓋無慧衆生。雖具耳目。無異
聾瞽。其苦與饑渴貧窮等。故發大慈悲。宣揚神咒。果能
誦持不輟。如果羸之咒。青蚬。則其聰明與文帝無異。直

一念勇猛精誠所致耳。此咒舊無註釋。今詳加疏通。俾
知三才一貫。天地尙由吾發揮。方信此慧人人本具。非
塵識聰辯之小智小慧也。詞源浩浩。筆陣風馳。又其小
者耳。誦是咒者。當更參陰騭文。以培其福。積累不已。何
渠不可臻兩足尊也哉。仁和夢蓮居士張世榮敬撰

文帝全書外面卷三十二

仁和關 槐柱生增輯

文昌帝君開心聰明神咒註釋

九天大帝身披白衣

九天先天也。乾元用九。故曰九天。帝主宰也。大帝即
文帝法身。言此九天主宰之法性。無邊無量。無始無
終。天不能蓋。地不能載。故曰大。此乃太極之本體。乾
坤之根元。吾人之真心。智愚同具。凡聖同歸。了得此
旨。便能超凡入聖。開心者。開此真心而已。身有三身。

性體是法身。心靈是報身。形體是化身。白淨也。佛家以善爲白業。惡爲黑業。衣服也。言人性本善。白淨無污。被服無斃。乃須臾不可離道之意。

日月照耀乾坤。斡隨。

蓋黑業生暗。白業發光。此光人人皆有。只緣黑業日長。故明者以昏。今大帝無終食頃。拋此白衣。心地發光。如日之照晝。月之照夜。光明遍滿。包裹乾坤。所謂我能旋轉天地。不爲天地旋轉。斡旋也。隨轉也。有能敬者聰明如斯。

此示人以下手工夫也。敬者。顧諟天之明命也。言能於二六時中。小心敬畏。默朝此九天主宰之大帝。則大帝暗中加被。錫以智慧。聰無不聞。淵然而雷聲也。明無不見。日月起方寸也。方知此光。天地同根。聖凡同體。如斯者。謂與大帝無毫髮虧欠也。

黃老丹元與念合宜

道經有五方五老。五老卽先天之義。東方曰青老。在人爲肝。南方曰赤老。在人爲心。西方曰白老。在人爲肺。北方曰黑老。在人爲腎。中央曰黃老。在人爲脾。黃

老者。太極中之天五地十也。丹經謂之刀圭。刀圭者。刃音兩土也。土於德爲信。爲誠。成佛成真。全賴一誠。故爲無上丹頭。上言敬。此言誠。誠敬如是。則卽丹卽念。卽念卽丹。合同而化。雖欲頃刻離之而不可得也。

五神衛守八聖護持

五神卽五方五老也。東方主木神。其帝太皞。其神勾芒。無央聖衆。南方主火神。其帝炎帝。其神祝融。無央聖衆。中央戊己土。其帝黃帝。其神后土。無央聖衆。西方主金神。其帝少皞。其神蓐收。無央聖衆。北方主水

神。其帝顓頊。其神元冥。無央聖衆。天有東斗西斗南斗北斗中斗五方尊神。地有東岳南岳西岳北岳中岳五方尊神。又東方青龍吉慶。南方丹鳳朝陽。西方祥麇現瑞。北方龜蛇合形。中央紫薇龍德。無不護衛守伺。蓋卽所謂與念合宜也。八聖者。八方之神也。先天則乾南坤北。離東坎西。兌東南。艮西北。巽西南。震東北。後天則帝出乎震。齊乎巽。相見乎離。致役乎坤。說言乎兌。戰乎乾。勞乎坎。成言乎艮。八聖者。一切主乾坤八卦等神。皆護持之也。

誦之不輟萬神赴機

上言敬此咒心者。獲神如是。然或有作輟。則不能以感天地而格鬼神。故必誦之不輟。於持中不持。於不持中持。則萬神來集。奔赴筆機之下。蓋此太極丹元之中。由一圈而三才。由三而五行。由五而八卦。由八而萬物。當萬神之數。萬神奔赴乎腕下。有何聰明之不開發乎。

我。司。大。化。光。曜。生。輝。

原大帝開化於九天。故教孝教忠。陰隲下民。於是化

蠢愚爲聰明。化狂慧爲真慧。化闇昧爲光明。化白腹爲文學。蓋人同此心。心同此道。既見道光。自發心光。而文炳文蔚。生日月之輝矣。

心開茅塞。祛鈍除迷。

此復言持咒之功。開心之效也。蓋心地茅塞。皆五欲結業。如月之翳。如眼之障。今以神咒妙光。消除翳障。故茅塞頓開。向之鈍根。今皆通利。昔之迷惑。今皆覺悟。果能誦之不輟。則可証妙道。可透僊宗。豈特誇文陣雄師而已哉。

文帝全書 卷三
誦之萬遍文治瓊瑰

文治。卽妙道真光。一切天文。地文。人文。盡從此陶鑄而出。天文如日月星辰。是地文如山川草木。是人文如儒釋道三教真經。一切經史子集。皆是。今旣誦滿萬遍。則搖筆皆成珠玉。盡從文治中來也。瓊瑰珠玉也。○按萬遍。是僅舉數之盈滿。非限於萬遍。若誦萬遍而聰明不生。則宿業深而功力淺。須再念去。不可間斷。當玩上文誦之不輟四字。不拘千萬萬萬十年廿年。又須廣讀經書。以求聰明頓發而後已。否則掘

井九仞而不及泉。終成棄井。乃己功之不深。非咒力之罔效也。

詞源浩浩筆陣風馳

世間榮華富貴。福業也。人具高才絕學。慧業也。業福得福報。雖榮貴而魯愚。業慧得慧報。縱聰明而貧賤。惟福慧雙修。斯福慧雙足。故稱佛爲兩足尊也。世之潦倒而無文者。皆爲福慧不修之故。若富貴中人。種種享用。而目不知書。終爲缺陷。乃夙世不修慧也。大帝此咒。令人專修慧業。要之慧亦福也。果能虔持此

咒。心地發光。如心經云。是大神咒。是大明咒。是無上咒。是無等等咒。卽語言文字之咒相。悟語言文字之心源。方知一切文詞。盡從此流出。將見滔滔汨汨。若三峽之橫流。勃勃蓬蓬。若狂飈之掃籜。緣斗中有天。聾地啞二神。能塞人聰明。亦能開人智慧。果能誦之不輟。縱未能悟斯咒體。然二神冥被。平日所讀之書。盡奔赴腕下。除未閱之書不來。有若斯之敏捷。蓋亦極行文之樂事。而無機神格塞之苦矣。咒力不可思議。固如是哉。

九天開化萬章洞微

此又言智慧之開。皆是神力加被。乃大帝開化於九天之中。見一切鈍根衆生。或握筆而重若干鈞。或展卷而不識一字。或毫枯而腕劣。或志亂而神昏。皆緣宿世不修慧業。其苦與貧窮饑渴等。故大帝興慈運悲。垂示此咒。錫人智慧。種種詞章。皆能洞見淵微。而無障礙。奉持者。知帝力之廣被。神咒之不可思議。所當服膺而弗失者也。

元皇上令勿稽勿違

此又言持咒之人。或宿世之障深。或現今之根劣。縱朝夕持咒而智慧不生。有稽滯而不通者。有違背而未達者。大帝憫之。恐其退悔。因令其疾呼聖號。求之者誠。則應之者速。於是令斗府諸神。開其智慧。而無有稽滯而少違者。二語乃迫切哀禱之詞。當喫緊而念之也。

急急如元皇上帝律令勅

按此咒。乃大帝慈悲。憫諸鈍根衆生。或文理弗通。或功名不遂。故垂示此咒。所有文部五方之神。八方之

聖。一切萬靈真宰。皆以大帝之心爲心。垂以靈儀。錫以智慧。一持此咒。諸神降臨。如人主有勅。大小臣工。莫不拱手聽令。衛守者衛守。護持者護持。赴機者赴機。發慧者發慧。故曰急急如律令勅。敬也。猶欽哉之意。大帝爲南斗天之喉舌。乃代上帝宣令。故此咒之靈。不可思議。誦持者乃宿世之福緣。今故註釋。詳明。使知信奉。庶無有讀而不能解。解而不能悟者矣。

